

Plataforma politico POR Lo introduci pension flexibel

Pensionadonan no lo paga belasting mas riba pension

ORANJESTAD – Plata-forma Politico E Forsa Nobo, POR ta garantisa cu lo introduci e concep-to di ley cu a presenta di iniciativa pa loke ta trata flexibilidad di pension. Cu e mesun espirito aki lo kier bin cu cambionan tambe pa personanan cu ta ricibi bijstand of cual-kier ayudo social.

Varios persona den comu-nidad no por warda pa nan baha cu pension na 65 aña. Tin personanan cu ta traha den sector hotelero cu ta e industria cu ta carga nos economia y hopi ta traha tra-bounan cu ta encera cu nan ta riba nan pia constant. Tin esunnan den e sector di con-struccion cu tin trabou pisa y tambe otro sectornan cu ta rekeri hopi esfuerzo fisico, cu na final di dia ora cu bisa nan cu no ta 60 mas, sino gradu-almente cu 65 nan ta baha cu pension, hopi no por yega e edad ey, Sr Andin Bikker a splica. Los di esey ta conoci cu tin diferente personanan cu entre otro a cera acuer-donan considerando cu nan tey baha cu pension na 60 aña. E tempo ey no a pensa cu lo subi edad di pension, pues tin personanan cu ta haya nan sin entrada pa algun aña. P'esey introduciendo e flexibilidad di pension unda cu bo ta scoge si bo kier baha cu 60 aña bo por, hayando un "korting" chikito. E ora e re-sponsabilidad ta cerca e per-sona y asina ta tene consider-acion cu casonan individual.

Proteccion fondo

Pa proteha e fondo lo bin cu un "hardheidsclausule" pues un garantia pa e fondo. Pa si ta 5000 persona lo por haci uzo di e opcion pa bay mas trempa cu pension nor-mal, den caso cu por ehem-pel 8000 aplica, ta bin cu un keuring medico pa seleccio-na e 5000 y asina ta proteha e fondo. Esunan cu ta bin na remarca e ora pa por haci uzo di e oportunidad ta hacie, y e resto ta bay pa e siguiente aña. Ora wak cu den Reino tin paisnan cu e opcionnan aki, mester evalua esaki y no tin nodi inventa e wiel di nobo, segun sr. Bikker.

Sistema cobra belasting

E hecho cu e belasting awor-aki ta wordo cobra riba e pension di biehes, ta castiga un pensionado cu si e kier

traha un poco bolo pa haya poco entrada extra, ta conta e dos entradanan aki hunto y nan tin cu paga belasting riba esaki. POR ta bisa cu e pension aki ta sagrado, no lo mester paga riba e parti aki di pension, Otmar Oduber ta enfatisa. Si un pareha of un pensionado kier haci ac-tividad adicional esey ta pos-ibel y no por castig'e door di aumenta loke e ta haci extra cu su pension, compara cu e bisiña cu porta ta cobra pen-sion so y no ta paga nada di belasting riba e pension. Mescos cu a bisa tambe cu lo habri e discusion bek di participacion, actividadnan y obligacionnan social cu pen-sionadonan tin. Na e mo-mentonan aki nan ta paga e suma completo di AZV, cual ta un peso demasiado grandi riba nos pensionadonan.

Finalizando sr. Oduber a bisa cu esaki ta e mesun es-pirito cu kier bin cu ne pa loke ta esunnan cu ta cobra bijstand/onderstand of ta ricibi cualkier ayudo social. Cu cierto momento ora cu nan kier yuda nan mes pa tin un bida mas digno pa por tin un miho bida, ta wordo cas-tiga cu sea FCCA ta aumenta



prijs di nan cas of ta reduci e fondo cu nan ta haya. Cual no ta e meta pa cual ta duna un ayudo social. Duna 2% of

15 Florin tur luna no ta yuda e persona cu tin un problema social, bo mester gara e prob-blema na su reis, pues no duna

personanan pisca pa come, sino siña nan con pa pisca pa nan por biba na un forma mas digno, el a conclui.